

ՎԱԿԻՄԻՐ ԳՐԻԳՈՐՅԱՆ

ՂՈՒԿԱՍ ԿԱՐՆԵՑՈՒ ՄԻ ԱՆՏԻՊ ԵՐԿԱՍԻՐՈՒԹՅՈՒՆԸ

Ղուկաս Կարնեցի կաթողիկոսի (1780—1799 թթ.) գրադրությունները (2200 կոնդակ ու նամակ, 3500 նամակի համառոտագրություն) անփոխարինելի սկզբնաղբյուր են Հայաստանի և հարևան մի շարք երկրների XVIII դարի վերջին երկու տասնամյակների քաղաքական, մասամբ նաև տնտեսական կյանքի բազմաթիվ շտապեցնված կամ լրացուցիչ ուսումնասիրության կարոտ շատ հարցերի պարզաբանման համար:

Տարբեր անձնավորությունների ուղղված, զանազան առիթներով գրված ու տարբեր բովանդակություն պարունակող հազարավոր այդ նամակներն ունեն մի ընդհանուր նմանություն. նրանց շատերի մեջ հեղինակը, ընդարձակ կերպով կամ մի երկու խոսքով, տվել է Արարատյան երկրում կամ այլուր տեղի ունեցած ու հավաստի աղբյուրների միջոցով իրեն հայտնի դարձած ղեկավարի ճշմարտացի նկարագրությունը: Համարյա ամեն օր գրված այդ նամակներում բաց չի թողնված երկրի կյանքում տեղի ունեցած ոչ մի կարևոր իրադարձություն, ուստի և մեկը մյուսի շարունակությունը լինելով, ամբողջությամբ վերցրած Ղուկաս կաթողիկոսի նամակները այլ բան չեն, քան մի ընդարձակ տարեգրություն, կազմված ղեկավարի անմիջական տպավորության ներքո, շարադրված ակննատեսի և երբեմն այդ իրադարձությունների մեջ ակտիվ դեր խաղացած անձնավորության կողմից:

Կավատեղյակ և ստուգապատում հեղինակ է Ղուկաս Կարնեցին, գրանում առավել համոզվում ենք, երբ բաղդատության մեջ ենք ղնում նրա հաղորդած տեղեկությունները հայ և օտար այլ աղբյուրների տվյալների հետ: Նա քաջ գիտակցել է տեղի ունեցած անցուղարձերի նկարագրության անհրաժեշտությունը և անգամ մտադիր է եղել Աղա-Մուհամադ խանի արշավանքի ժամանակ Հայաստանում ստեղծված վիճակի մասին արված իր գրառումները հրատարակելու, որը, սակայն, չի հաջողվել:

Ղուկաս Կարնեցու նամակների մի փոքրիկ մասն է միայն հրատարակված, ընդամենը 212 նամակ և 450 նամակի համառոտագրություն (որոնց ճնշող մեծամասնությունը՝ 195 նամակ և բոլոր համառոտագրությունները Գ. Աղանյանցի «Դիւան հայոց պատմութեան» Դ և Թ հատորներում). մնացածը ղեռնանտիպ է և կենտրոնացված է Նրևանի Մաշտոցի անվան մատենադարանում: Այդ անտիպ նամակների մեջ իր ուշադրալ բովանդակությամբ հատկապես աչքի է ընկնում 1790 թ. սեպտեմբերի 22-ին գրված նամակը, որը հասցեագրված է Կ. Պոլիս, հայ հոգևորականներից մեկին՝ Մինաս վարդապետին: Ի տարբերություն մյուս բոլորի, այս նամակն ունի հատուկ վերնագիր՝ «Պատմութիւն

1 Մատենադարան, ձեռ. № 4331, էջ 85ա: